

"মিষ্টি বাচ্চারা - এই ওয়ান্ডারফুল খেলা জ্ঞান এবং ভক্তির, পূজ্য এবং পূজারীর। তোমাদের আবার সতোপ্রধান পূজ্য হতে হবে এবং অপবিত্রতার সমস্ত লক্ষণ সমাপ্ত করতে হবে"

প্রশ্নঃ - বাবা যখন আসেন তখন কোন্ তুলাদণ্ড বাচ্চাদের দেখান ?

উত্তরঃ - জ্ঞান আর ভক্তির পাল্লা। পাল্লার একদিকে জ্ঞান আরেকদিকে ভক্তি। জ্ঞানের দিক এখন হালকা, ভক্তির দিক ভারী। ধীরে ধীরে জ্ঞানের দিক ভারী হতে থাকবে, তখন সত্যযুগে তুলার একটা পাল্লাই থাকবে। সেখানে তুলাদণ্ডের প্রয়োজন হয়না।

ওম্ শান্তি। অলৌকিক বাবা তোমাদের অর্থাৎ অলৌকিক বাচ্চাদের জ্ঞানের রহস্য বোঝাচ্ছেন। বাচ্চারা তোমরাও জানো বাবা এখন প্রকৃতই এসে তোমাদের পূজ্য দেবী-দেবতা বানাচ্ছেন। যারা আসুরিক সম্প্রদায় হয়ে গিয়েছিল, তারা আবার এখন দৈবী সম্প্রদায় হচ্ছে অর্থাৎ চক্রে ভক্তি শেষ হয়ে আসছে। তোমরা এটাও জানো যে কবে থেকে ভক্তি শুরু হয়েছে, কখন রাবণরাজ্য শুরু হয়ে, কখন শেষ হয়ে যায়! তারপর রামরাজ্য কবে শুরু হয়। বাচ্চারা, তোমাদের বুদ্ধিতে ওয়ার্ল্ডের হিস্ট্রি-জিওগ্রাফি আছে। যথাযথভাবে চারযুগের। এখন সঙ্গমযুগের চক্র বা ড্রামা চলছে। এই সবকিছু বাচ্চারা, তোমাদের বুদ্ধিতে আছে। কাদের বুদ্ধিতে এইসব বসেছে? প্রজাপিতা ব্রহ্মার মুখ বংশাবলী রচনা, ব্রাহ্মণদের বুদ্ধিতে এইসব বসেছে। কারও নাম তো উল্লিখিত হবে, তাই না! ব্রাহ্মণদের নাম ছাড়া আর কারও নাম তুমি উল্লেখ করতে পারোনা। এই খেলা এইভাবেই রচিত হয়েছে - ব্রাহ্মণ, দেবতা এবং তারপরে ঋগ্বেদ . . . এইভাবে চক্র ঘুরতে থাকে। তোমরা বাচ্চারা এখন স্মরণের যাত্রা শিখছ অর্থাৎ তোমরা পতিত থেকে পবিত্র হচ্ছে। তোমাদের এইভাবে বোঝাতে হবে। আমরা এখন রামরাজ্য স্থাপনা করছি, সুতরাং, নিশ্চয়ই এর পূর্বে রাবণরাজ্য ছিলো। এটা এও প্রমাণ করে, রাবণরাজ্য হওয়ার কারণে ঝড় অনেক বড় হয়। এখন আমরা পূজ্য দেবী-দেবতা ধর্মের স্থাপন করছি। পুরানো ঝড়ের বিনাশ হয়ে নতুন ঝড়ের স্থাপনা হবে। তোমরা বাচ্চারা এই হিসাবনিকাশও জানো। আমরা নিজেরা পূজ্য এবং সতোপ্রধান ছিলাম, ৮৪ জন্ম নেওয়ার পর আমরা তমোপ্রধান হয়েছি। পূজ্য থেকে আমরা পূজারী হয়েছি এবং এটা রিপটি হতে হবে। এটা বোঝা সহজ কিভাবে চক্র ক্রমাগত ঘুরছে। যেমন, অ্যাক্টর শুরু থেকে শেষ পর্যন্ত তাদের পার্ট প্লে করে। সুতরাং এটা বেহদের রহস্য। জ্ঞান আর ভক্তির রহস্য, যা তোমাদের বুদ্ধিতে দৃঢ়ভাবে নিহিত আছে। আমরা পূজনীয় সত্যযুগী দেবতা ছিলাম, পরে আমরাই সিঁড়ি নামতে নামতে পূজারী হয়েছি। রাবণরাজ্য কবে শুরু হয়েছে, তার সম্পূর্ণ তিথি নক্ষত্র তোমরা জানো। আমরা এই এইভাবে পুনর্জন্ম নিয়েছি। প্রথমে আমরা সূর্যবংশী দেবী-দেবতা ছিলাম, পরে চন্দ্রবংশী হয়েছি। এখন ব্রাহ্মণবংশী হয়ে আবারও দেবতা হই। এখন তোমরা ব্রাহ্মণবংশী বা ঈশ্বরীয় বংশী। তোমরা সবাই জানো তোমরা ঈশ্বরের সন্তান, এই কারণে তোমরা ভাই বো। কার্যতঃ, ব্রাদার্স মূল বতনে হয়, পরে তোমাদের নীচে এসে নিজেদের পার্ট প্লে করতে হয়। তোমরা বাচ্চারা জানো, শূদ্র থেকে তোমরা ব্রাহ্মণে রূপান্তরিত হয়ে তারপরে, পড়া করে সেই সংস্কার তোমাদের সাথে নিয়ে যাও। তোমরা দেবী-দেবতা হও। কাল আমরা শূদ্র ছিলাম আজ ব্রাহ্মণ, কাল আবার আমরা দেবতা হবো। এই রহস্যও বাচ্চাদেরই বোঝাতে হয়। সবাইকে জাগাতে হবে। তোমরা যে কোনো কাউকে বোঝাতে পারো যে, নতুন দুনিয়া সত্যযুগ আর এই পুরানো দুনিয়া কলিযুগ। এখানে কোনও সুখ নেই। বাচ্চারা বোঝে, যখন ঝড় নতুন ছিলো, আমরা দেবী-দেবতা ছিলাম,

তখন অপার সুখ ছিলো । পরে চক্রে ঘুরতে ঘুরতে দুনিয়া পুরানো হয়ে গেছে । মানুষও অনেক বেড়ে যাওয়ার সাথে সাথে দুঃখও অনেক বেড়ে গেছে । বাবা বোঝান, সত্যযুগে তোমরা অনেক সুখী ছিলে । সদা কেউ সুখী থাকেনা । পুনর্জন্ম নেওয়ার একটা বিধি আছে । পুনর্জন্মের মধ্য দিয়ে নীচে নামতে নামতে তোমাদের ৮৪ জন্ম সম্পূর্ণ হয়েছে । আবারও নতুন করে এই চক্র ঘুরতে হবে । জ্ঞান আর ভক্তি, অর্ধেক কল্প দিন, নতুন দুনিয়া আর অর্ধেক কল্প রাত, পুরানো দুনিয়া । এই পড়া তোমাদের স্মরণ করতে হবে । শিববাবাকেও স্মরণ করতে হবে । টিচারের সবকিছু মনে আছে, তাই না ! তোমরা বলো, বাবার এই সারা সৃষ্টির নলেজ আছে । তোমরাও বুঝতে পারো, তোমরা যারা পবিত্র পূজ্য দেবতা ছিলে, সেই তারাই এখন পূজারী পতিত হয়েছে । তোমরা সতোপ্রধান, সতো, রজো, তমো অবস্থা এবং ড্রামার হিস্ট্রি-জিওগ্রাফি বুঝেছ । পূজ্য আর পূজারীর এই খেলা পূর্ব নির্ধারিত । এইভাবে নিজের সাথে কথা বলো । সতোপ্রধান হওয়ার জন্য মুখ্য জিনিস হলো জ্ঞান আর যোগ । জ্ঞান সৃষ্টি চক্রের আর যোগের দ্বারা আমরা পবিত্র হই । এটা কত সহজ ! ঠিক বাবা যেমন বোঝান, তোমরাও কাউকে বোঝাতে পারো । বাবা শুধু বাইরে যাননা, কারণ বাবা তাঁর সাথে আছেন, তাই না ! কোনো মানুষ সদগতি সম্বন্ধে জানেনা । একমাত্র তখনই তারা সদগতি সম্বন্ধে জানতে পারে যখন সদগতি দাতাকে তারা চিনতে পারে । তোমরা নম্বরক্রম অনুযায়ীই জানতে পারো । তোমরা এটা বোঝো এবং অন্যকেও বোঝাও । প্রধান কথা হলো পতিত থেকে পবিত্র হওয়ার । একমাত্র স্মরণের দ্বারা তমোপ্রধান থেকে সতোপ্রধান হতে হবে । এখানের বাচ্চারা বা বাইরের বাচ্চারা জিজ্ঞাসা করে আমরা কিভাবে যোগ লাগাবো । পতিত থেকে পবিত্র হওয়ার উপায় কী ? কারণ তারা এই সম্পর্কে বিভ্রান্ত । অতএব, তাদেরকে তোমাদের বোঝানো উচিত, হারজিতির এই খেলা তৈরি হয়ে আছে । ভারতই পতিত থেকে পবিত্র এবং পবিত্র থেকে পতিত হয় । অর্ধেক কল্প জ্ঞান অর্থাৎ পবিত্র, অর্ধেক কল্প ভক্তি অর্থাৎ পতিত । এখন আবার তোমাদের পতিত থেকে পবিত্র হতে হবে । স্মরণের এই প্রাচীন যাত্রা অতি প্রসিদ্ধ । মানুষ জন্ম জন্মান্তর ধরে শারীরিক যাত্রা করে আসছে, আর ক্রমাগত নীচে নেমে গেছে । এমন নয় যে তারা এর মধ্য দিয়ে পবিত্র হয়েছিলো । একমাত্র বাবা তোমাদের পবিত্র বানান । তিনি একবারই আসেন । তোমরা বলতে পারবেনা যে শিববাবা পুনর্জন্ম নেন । মানুষকেই ৮৪ জন্মের চক্রে আসতে হয় । বাবা বলেন, এই কাহিনী খুব সহজ । তোমাকে শুধু অবশ্যই ক্যারেক্টার পরিবর্তন করতে হবে । যখন তোমরা দেবতা ছিলে তোমাদের ক্যারেক্টার ফাস্টক্লাস ছিলো । তারপর ধীরে ধীরে তোমাদের ক্যারেক্টার খারাপ হয়ে গেছে রাবণরাজ্যে এখন সম্পূর্ণভাবে খারাপ হয়ে গেছে । অর্ধেক কল্প ভক্তিমার্গে পতিত হওয়ায় চারিদিকে হাহাকার ছেয়ে গেছে । পবিত্র শিবালয় থেকে পতিত গণিকালয় হয়ে গেছে । রাবণ তোমাদের ওপর বিজয় প্রাপ্ত করে নিয়েছে । কেউ চেষ্টা করেনা কিভাবে রামরাজ্য হবে । বাবাকে নিজেকে আসতে হয় । এটাও ড্রামাতে লিপিবদ্ধ আছে । রাবণরাজ্যে আমরা ক্রমশঃ নীচে নামতে থাকি, এখন আমাদের ওপরে চড়তে হবে । বাবা এসে তোমাদের সবাইকে জাগিয়ে তোলেন, কারণ ভক্তিতে সবাই ঘুমিয়ে আছে । এমনকি বাবা আসা সত্ত্বেও তারা এখনও নিদ্রায় মগ্ন । বাবা অস্তিমে আসেন যখন সবাই অজ্ঞান ঘুমে অচেতন ।

জ্ঞানের সাগর বাবা যেমন সৃষ্টির আদি মধ্য অন্ত জানেন তেমন তোমরাও জানো । এত বাচ্চারা, সবাই বাবার থেকে শিখছে, তাই না ! এক বাবার থেকে শিখছে আর পরে বৃদ্ধি হচ্ছে । কল্প পূর্বেও তোমাদের মানুষ থেকে দেবতা বানিয়েছিলেন । এখনও অবশ্যই সেইরকম হতে হবে । কেউ খুব হালকা পুরুষার্থ করে আর কেউ তীব্র । নম্বরক্রম তো আছে, তাই না ! কারও কারও ডাল বুদ্ধি । জাগতিক স্কুলগুলোতেও তো নম্বরক্রম থাকে, তাই না ! সেই পড়াতে বি.এ ., এম.এ. ইত্যাদি কত ক্লাস থাকে

। কত মানুষ পড়ে । সারা দুনিয়ায় কত মানুষ এম.এ. পড়ে । ভারতবাসী, সবাই কত দীর্ঘ সময় ধরে পড়ছে । কেউ টিচার হয়, কেউ আর কিছু । তারা তাদের জীবিকা নির্বাহের জন্য উপার্জন করতে থাকে । আচ্ছা, কারও মৃত্যু হলে নতুন জন্ম নিয়ে নতুনভাবে পড়তে হয় । ওখানে সত্যযুগে এম.এ. ইত্যাদির পড়া নেই । ড্রামাতে এই সময়ের পড়া লিপিবদ্ধ যা তোমরা পড়ছ, তারপরে কল্প বাদে আবার পড়বে । ওখানে পুস্তক ইত্যাদি কিছু হয়ই না । যা ভক্তিমার্গে হয়, তা জ্ঞানমার্গে হয়না । যা কিছু অতীতে হয়েছে ভক্তিমার্গে সেগুলো তারা পড়ায় । বাবা তোমাদের বলেছেন, কবে থেকে রামরাজ্য, কবে থেকে রাবণরাজ্য এবং কিভাবে আমরা ক্রমশঃ নীচে নেমেছি । তোমাদের বুদ্ধিতে এইসব রহস্য যথাযথভাবে বসে গেছে । তোমাদের এখন পুরুষার্থ করতে হবে উঁচু থেকে উঁচু হওয়ার জন্য । রাজস্বে সবাই কিন্তু একরকম হতে পারবেনা । কেউ কেউ একদম বিধিসম্মতভাবে পুরুষার্থ করে, পবিত্র হওয়ার জন্য দৈবী গুণ ধারণ করে । তোমাদের ঈশ্বরীয় রেজিস্টার আছে । নিজেকে চেক করে দেখ যে তোমার মধ্যে কোনও অপগুণ তো নেই ! মানুষ গায়, আমি নিগুণ, কোনও গুণ নেই । সবাই মনে করে, তাদের মধ্যে অপগুণ আছে । আমাদের মধ্যে যখন সব গুণ ছিলো, তখন আমরা সর্বগুণসম্পন্ন, 16 কলা সম্পূর্ণ ছিলাম, তাঁদেরই রাজ্য ছিলো । তাঁদের ছবিও আছে । ওখানে এইসব মন্দির ইত্যাদি থাকবেনা । ওখানে ভক্তিমার্গের কোনও চিহ্নমাত্র থাকবেনা । এটাও তোমরা তোমাদের নশ্বরক্রম অনুযায়ী জানতে পারো । যারা যথারীতি পড়ে সবকিছু ধারণ করে, ক্রমশঃ তাদের সেই যোগ্যতা অন্তর্নিহিত শক্তিকে বিকশিত করতে থাকে । তোমাদের হৃদয়ে উপলব্ধি হয় যে, বাবা, যাঁর থেকে তোমরা বিশ্বের মালিকানা নিষ্ছ তাঁর কাজে তোমাদের কতটা সহায় হওয়া উচিত । আমরা ঈশ্বরীয় সন্তান । বাবা এসেছেনই তোমাদের সবাইকে সুখদাতা বানাতে । তিনি কখনও কাউকে দুঃখী করেননা । বাচ্চারা, তোমাদের কত শ্রেষ্ঠ হতে হবে । বাবা বারবার তোমাদের বোঝাচ্ছেন, নোট করো, কাউকে কোনও দুঃখ দাওনি তো ! বাবা সবাইকে সুখ দেন, তাহলে আমাদেরও উচিত সুখ দেওয়া । এই জীবন বাবার সার্ভিসে দিয়েছ, তাই না ! অতি মধুর হওয়ার চেষ্টা করা উচিত । এমনকি কেউ যদি অযথা কিছু বলে, তাদের শুধু শান্ত করে দাও । সবাইকে সুখ দাও । সবাইকে সুখের রাস্তা দেখাতে হবে, এই লক্ষ্য নিয়ে তুমি শান্তিধাম এবং সুখধামের মালিক হতে পারবে । তোমাদের সুখদাতা হতে হবে কারণ বাবা সদা সুখদাতা, তাই না ! সবার দুঃখ দূর করেন । তোমাদের বুদ্ধিতে আসে তোমরা তারাই, যারা অনেক সুখ দিয়েছিলো । আমরা যখন সুখে ছিলাম, বিকারের কোনও নামগন্ধ ছিলনা, কোনও কাম কাটারি চালাতাম না । সত্যযুগে কেউ কাউকে দুঃখী বানায় না । বাচ্চারা, বাবা নিরন্তর তোমাদের বলছেন নিজেদের আত্মা নিশ্চয় করো । আত্মাকেই পবিত্র হতে হবে । আত্মায় কোনও অপবিত্রতার চিহ্নও অবশিষ্ট থাকা উচিত নয় । দিন দিন তোমরা উন্নতি করতে থাকবে । তোমরা যেমন পুরুষার্থ করেছিলে, তার নশ্বরক্রমানুসারে রাজস্ব লাভ করেছিলে । তোমরা এখন পুরুষার্থ করছ সেই একই রাজস্ব পুনরায় লাভ করার জন্য । তোমরা দেখতে থাকো কে কত পুরুষার্থ করছে ! আমি কাউকে কতখানি সুখ দিতে পারি ! বাচ্চারা জানে, সত্যযুগে আমরা কাউকে দুঃখ দেবনা । তোমরা কম পুরুষার্থ করলে সাজা পেয়ে কম পদ পাবে ; তোমাদের অসম্মান হবে ।

কোনো কোনো বাচ্চা অনেক সার্ভিস করে । মিউজিয়াম, প্রদর্শনীতে কত মেহনত করতে হয় । এই প্রদর্শনী, মিউজিয়াম ইত্যাদি ক্রমশঃ বৃদ্ধি পাবে । তুলনাও জ্ঞানের পাল্লা ভারী হতে থাকবে । একদিকে জ্ঞান অন্যদিকে ভক্তি । এই সময় ভক্তির পাল্লা এত ভারী যে পুরোদমে তলদেশে চলে গেছে । এটা এত ভারী হয়ে যাবে যে অতল তলে তলিয়ে যাবে । একদিকে এটা দশ কিলো, আরেকদিকে কিলোর এক-চতুর্থাংশ জ্ঞানের ব'লে মনে হবে । তারপর জ্ঞানের একদিক ভারী হয়ে যাবে । সত্যযুগে পাল্লার

একটা দিক হয় এবং কলিযুগেও একটা দিক। সঙ্গমযুগে দুটো দিকই থাকে। জ্ঞানের দিকের পাল্লায় কত অল্প থাকে ; কত হালকা ! তারপর তারা সেইদিক থেকে এইদিকে ট্রান্সফার হয়ে এইদিকে ভর্তি হতে থাকবে আর তারপর ভক্তি শেষ হয়ে যাবে। শুধু এক জ্ঞানের দিক থেকে যাবে। দুটো দিক আর হবেনা। বাবা এসে তোমাদের দাঁড়িপাল্লা দেখান। এটা কম বেশী হতে থাকে। কখনও ওইদিকে বেশী তো কখনও আরেকদিকে বেশী। তারা জ্ঞানে এসেও ভক্তির দিকে সদস্য হয়ে যায়, যাদের দৃঢ় নিশ্চয় আছে তারা জানে স্থাপনা অবশ্যই হতে হবে। যখন আমাদের রাজ্য হবে তখন আমরাই থাকবো। তারপর মূল বতনের দিকে বেড়ে যাবে। অনেক আত্মা সেখানে থাকবে। সুতরাং সেইদিক বিশাল হয়ে যাবে। তারপরে অর্ধেক কল্পের পর দ্বাপর যুগ থেকে তারা ক্রমাগত নীচে আসতে থাকবে। এই নিয়মেই সৃষ্টির চক্র ঘুরতে থাকে। তোমরা পতিত থাকাকালীন তুলাদণ্ডের প্রয়োজন নেই। তুলার প্রয়োজন তখনই হয় যখন বাবা আসেন। বাবা তুলাদণ্ড তাঁর সঙ্গে নিয়ে আসেন। ঝাড়ের জ্ঞানও তোমাদের বুদ্ধিতে আছে। প্রথমে ঝাড় কত ছোট থাকে তারপরে ক্রমশঃ এটা বৃদ্ধি পেতে থাকে। সব পাতা শুকিয়ে শেষ হয়ে যায়, পরে রিপটি হয়। জল পেলে ছোট ছোট পাতা বৃদ্ধি পায়। ফল দেয়। প্রতি বছর ঝাড় খালি হয়ে যায়। সবকিছু নতুন হবে। এখন, দেবী-দেবতা ধর্মের একজনও নেই। তাঁরা অবশ্যই বিদ্যমান ছিলো। তাঁদের রাজ্য ছিলো, কিন্তু কখন ? তারা এটা ভুলে গেছে। তোমাদের ব্রাহ্মণকুলও দিন দিন বৃদ্ধি পাচ্ছে। অতএব, এইভাবে জ্ঞান মন্বন ক'রে ধারণ করতে থাকো আর অন্যদের বোঝাতে থাকো। আচ্ছা !

মিষ্টি- মিষ্টি হারানিধি (সিকিলধে) বাচ্চাদের প্রতি মাতাপিতা বাপদাদার স্মরণ-স্নেহ আর গুড মর্নিং। রুহানী বাবার রুহানী বাচ্চাদের নমস্কার।

ধারণার জন্য মুখ্য সারঃ-

১) তোমাদের এই জীবন বাবার সেবায় লাগাতে হবে। অনেক সুখের দাতা হতে হবে। কেউ অসুখা কিছু বললে শান্ত থাকতে হবে। বাবা সমান হয়ে সবার দুঃখ দূর করতে হবে।

২) নিজের রেজিস্টার পরীক্ষা করে দেখ। দৈবীগুণ ধারণ করে চরিত্রবান হতে হবে। অপগুণ বার করে দিতে হবে।

বরদানঃ- সত্যতার সাথে সত্যতাপূর্বক তোমার কথায় এবং চলনের দ্বারা এগিয়ে সফলতামূর্ত হও

সদা স্মরণে রাখতে হবে যে, সত্যতার লক্ষণ হলো সত্যতা। যদি তোমার সত্যতায় শক্তি থাকে তবে সত্যতাকে কখনও ছেড়োনা। সত্যতাকে প্রমাণ করো কিন্তু সত্যতাপূর্বক। সত্যতার লক্ষণ হলো নির্মাণ এবং অভব্যতার লক্ষণ হলো জিদ। সুতরাং, সত্যতাপূর্বক চলন-বলনে সফলতা আসবেই। এগিয়ে চলার এটাই সাধন। যদি সত্যতা থাকে আর সত্যতা না থাকে তবে সফলতা পাওয়া যাবেনা।

স্লোগানঃ- সম্বন্ধ-সম্পর্ক এবং স্থিতিতে লাইট থাকো - দিন চর্যায় নয়।